

Serikali na Barrick zathibitisha umuhimu wa kushirikiana

Dodoma, Julai 7, 2021 – Rais wa Jamhuri ya Muungano wa Tanzania Mheshimiwa Samia Suluhu Hassan amekutana na Rais na Afisa Mtendaji Mkoo wa Barrick Gold Corporation (NYSE:GOLD)(TSX:ABX), Mark Bristow jijini Dodoma ili kutathmini mafanikio ya kampuni ya madini ya Twiga (Twiga Minerals Corporation) pamoja na mustakabali wake. Kampuni hiyo ya Twiga ni zao la ubia kati ya Barrick na Serikali ya Tanzania.

Kampuni ya Barrick iliingia katika ubia na Serikali ya Tanzania mwezi September, mwaka 2019. Tangu hapo ilijikita katika kufufua na kukuza uzalishaji katika migodi ya North Mara, Bulyanhulu na Buzwagi. Kwa hakika, jitihada hizo za ubia zilizaa matunda na hivi sasa migodi hiyo inazalisha faida na imefikia viwango vya kimataifa katika uzalishaji na uendeshwaji wake. Hali hii ikiendelea itaiwezesha migodi hiyo kuwa katika orodha ya migodi saba ya Barrick duniani kote kufikia hadhi ya daraja la juu kabisa la uzalishaji wa dhahabu (Tier One¹ Gold Complex). Pamoja na jitihada kubwa ilizoziweka katika uzalishaji wa dhahabu, kampuni ya Barrick pia imepiga hatua kubwa katika kuzitatua changamoto mbalimbali za kijamii na zile za mazingira ili kurejesha thamani ya biashara kwa watanzania.

Mwaka 2020 Serikali ya Tanzania ilipokea kiasi cha Dola Milioni 370 (sawa na Shilingi Bilioni 856 za Kitanzania) kama malipo mbalimbali yaliyotokana na mafanikio ya ubia huu wa Twiga. Malipo hayo yalijumuisha kodi na tozo mbalimbali, gawio la faida, pamoja na awamu ya kwanza ya malipo ya maafikiano (settlement agreement) ya Dola Milioni 100 ambayo ni sawa na takriban Shilingi Bilioni 231 za Kitanzania. Aidha, kampuni ya Barrick imewekeza Dola Milioni 800 (sawa na Shilingi Trilion 1.851 za Kitanzania) katika uchumi wa nchi na kutumia kiasi cha Dola Milioni 2 (sawa na Shilingi Bilioni 4.6 za Kitanzania) katika masuala mbalimbali ya kijamii.

Kwa upande wa raslimali watu, Bristow alimueleza Rais kwamba Barrick, imetengeneza ajira mpya 600. Hatua hii imefanya asilimia 96 ya wafanyakazi wote migodini kuwa ni Watanzania. Kampuni pia imewateuwa watanzania kushika nafasi za juu katika uongozi wa kampuni hiyo hapa nchini ambao ni Meneja Mkoo wa Mgodi wa North Mara – Apolinary Lyambiko; Meneja Mkoo wa Nchi – Georgia Mutagahywa pamoja na Meneja Mkoo anayesimamia masuala ya Fedha na Utawala– Melkiory Ngido.

Katika jitihada zake za kuhakikisha wazawa wanunuwa na biashara zitokanazo na uwepo wa migodi yake nchini, Barrick inafanya kazi kwa ukaribu mkubwa na Tume ya Madini ili kukuza idadi na uwezo wa makampuni ya ndani ya nchi kutoa huduma mbalimbali katika sehemu hizo. Hadi kufikia robo ya pili ya mwaka 2021, asilimia 73 ya malipo ya manunuzi ya vifaa na huduma mbalimbali katika migodi hiyo yamefanyika kwa makampuni ya ndani.

Aidha, Bristow alisema mkutano wake na Rais Samia Suluhu Hassan ulikuwa mzuri sana na kwa pamoja wote walikiri kwamba mafanikio ya ubia wa Twiga, ambao ni wa kwanza barani Afrika, ni wa kuigwa kwani umedhihirisha kwamba ushirika baina ya migodi na nchi, huleta manufaa makubwa ya kiuchumi kwa pande zote mbili.

“Nimemhakikishia Rais Samia Suluhu Hassan kwamba kampuni ya Barrick imedhamiria kuendelea kuwekeza nchini Tanzania. Katika hili, tutaitumia migodi yetu ya North Mara na Bulyanhulu kwa pamoja kama sehemu ya kuuendeleza uwekezaji huo kwani tunaona uwezekano mkubwa wa uwepo wa madini katika maeneo ambayo hadi hivi sasa bado hayajafanyiwa utafiti. Hivyo basi, tutaendelea kuomba leseni mpya za uchimbaji kwani, ilituweze kufanya utafiti wenye matokeo chanya, tunahitaji kuendelea kupata maeneo mapya kwa ajili ya utafiti na uchimbaji,” alisema Bristow.

Maelezo

Rais na Afisa Mtendaji Mkuu

Mark Bristow

+1 647 205 7694

+44 788 071 1386

Afisa Muendeshaji Mkuu wa, Afrika

na Mashariki ya Kati

Willem Jacobs

+44 779 557 5271

Uwekezaji na Habari

Kathy du Plessis

+44 20 7557 7738

Barua Pepe:

barrick@dpapr.com

Tovuti: www.barrick.com

- 1 *Mgodi wa daraja la juu (Tier One Gold Asset), ni mgodi wenye uwezo wa kuzalisha wakia 500,000 za dhahabu kwa mwaka kwa gharama iliyo chini ya wastani wa gharama za uzalishaji katika sekta ya madini ya dhahabu kwa kipindi cha wa uhai wa mgodi huo ambao ni angalau miaka kumi.*